

春日登覽

時出碧雲堂迴旋望入荒雲收千里淨風散百花香欲海愁思
遠春山興味長稽筇登眺罷深入醉中鄉

初雪

昨夜雨成雪今朝地變銀窻明不是曉野暗卽非塵出海金波
淡彌天玉樹新乍觀清人眼堪動作詩人

秋雨

信宿天飛雨清秋地湧波沈陰韜日月淖潏漲江河紫塞歸鴻
憾青山隱士歌不防居石室高枕詠煙蘿

出都

年出皇都外高吟野興馳開籠鸚鵡俊展翼鳳凰奇白馬翩翩
驟青山隱隱移長安一片錦指日到無疑

登易州西山

褰裳步不毛絕頂望秋遠深谷杳冥峻亂山重疊高森森骨髓
戰院院目睛勞自笑無心客何如挂壁猿

題艾山

一朵黑雲寒亭亭杳靄間天垂滄海闊地鎮白雲閑五嶽名雖
隱三神道可攀時觀觸石化甘露沃塵寰

望崑崙

舊隱崑崙地東南一望嘉玉峯排海嶽雲錦散天花氣鬱鍾三

道藏輯要

礪溪集

哭

又胃集三

秀神清邁九華時當春雪霽盈眼白朱砂

登蓬萊閣

一上蓬萊閣虛心瞪目遙雲移山自長水到海還消俯視蛟龍窟傍觀鳥鵲橋何憂遠輕舉咫尺近丹霄

望海

海色吞天色風聲雜水聲雲翻魚鼈駭雷動鬼神驚射激千巖險汪洋萬里平時無釣鼇手擲糖引長鯨

山堂雨霽

曉日三竿麗千山一望平高吟神愈暢遠眺目增明雨後簷前潤風來座上清心非同道者不使過門行

道藏輯要

礪溪集

巽

又胃集三

夜深對月

二首

耿耿中宵月無人獨自行下連滄海白高滿太虛清奮跡離三島游空照萬城城中多少客睡重不能驚

耿耿中宵月無人獨自明天邊維斗暗地上百邪驚野鶴依稀辨羣龍天矯鳴尋常三五夜未有一般清

初冬括馬值雨

十月滂沱雨三更洶湧聲浮雲連海嶠激水灌山城野暗風波急泥深道路傾行人兼走馬一夜到天明

初雪

行看十月盡偶見六花飛散漫迴風急續紛入夜微山川淡屏